





新編事文類聚翰墨金書卷之九

英集

道教門

文類

雜著

雜類

疏語

請天師黃錄

梅亭

太極涵二強名曰道一清正一主善為師共推仁靜先生心平  
而行高氣專而豁嗣世三十六代不墜宗風修身千二百年親  
承宣問得仁者樂山之靜造上善若水之幾今者欲建黃錄壇  
誰能與通絡關藉請命上帝字佑下民僉曰我公曾受鳳凰之  
詔故與眾等共迎熊豹之姿津筏將來鈞谿既往潛天潛地倘  
盡令降福消災立德立功何患不超凡入聖

請高功

前人

寶匱瓊科對明真而藏事金聲玉振頌鉅德以主明會欲師來



庶期帝格其推其人紫陽華胄蒼錄故家夙諳天闕之條章又  
著星壇之功績幸幸大慈之典惠憐不肖之孤首接吾親直引  
星辰而上更令含識同沾雨露之恩

又

張龍洲

偷上皇兮撫珥欲報母勞選玉成兮叩闕無如公可吉蠲尺素  
祇瀝寸丹恭惟其人龜洞仍孫雲庵的似飛神謁帝佩龍虎天  
師之靈文御氣排空傳鴻都道士之秘術以儀刑於福地宜領  
袖於齋壇上碧落下黃泉迨至精誠之感格度朱陵煉丹界庶  
令斯魄以昇遷

請都講

前人

黃道開闢監朝儀當肅於班行玉珮引上公贊唱可觀於容止  
選於衆幸允謂當仁恭惟其人清白各家忠義近派鶴壇禮請  
方中矩而圓中規平服步趨聲為律而身為度既合儀刑之則  
宜充言語之科便請開闢道臺德於北闕庶資引手升逝爽於

南宮

又

梅亭

三沐消辰嚴錄壇而身帝九朝奉事在講席之得人舍曰俞哉  
師其來止其於其人方平風度知遠靈乃肯飛葉懸之是來依  
林泉之鶴考之公論其都司借方寸借正好披琅玕之腹致  
冉二懇切幸無金玉爾音

請監齋用

前人

蠲紫雲壇後降龍駕之駕肅清天陛必資鷓鴣之司德足鎮浮  
我其借重恭惟其人真君由裔王子流芳夙諳歷於宗壇宜糾  
繩於眾職期正清班之風采庶幾上帝之時歆見義必為不待  
致冉二之請元德不欺行即非第一之階

又陳

龍洲

天威不遠顏監觀孔迹人心有如面敬肆不同匪徒監臨孰司  
糾察其推其人錄傳正一派出希夷升金殿以具必齊如也



陟瑤壇而敷奏其望嚴然執法既嚴班朝自肅子帥正孰敢不  
正宜繩糾於繆愆神格思矧可敷思庶感通於冥漠

請侍經

前人

十編度人欲弘宣於秘典九光校蘊宜妙選於侍經誰其尸之  
无以易爾共惟某人名刊青札系出紫陽一篇五千言涉躡希  
夷之奧二洞十二部講明元始之初瓊章素熟於討論葉發謹  
同於出納一唱方真會願聞空洞之音七誦重闕開寶度幽肩  
之滯

請侍香呂

前人

清心聞妙欲嚴啓金童之裝明德惟馨誰可侍玉皇之案詢之  
輿論屬我良朋共惟某人渭水相門回石仙曹獻鞭笞於鸞鳳  
喜游戲於烟煤既知見之素熏何神明之難感素於塊枕不堪  
霜露之愴悽出守宝定庶免因循之蕭索

請侍經

前人

黃籙啟朝金殿擁紅雲乃采紫庭設燎玉階近望極之光惟一  
乃心始揚厥朕恭惟某人南衡靈胄北郭名家嘯月食霞又引  
柱輪之景步虛礼斗夜分蓮炬之輝常矻矻以焚膏每孳孳而  
待旦金花報喜願言入侍於通明鐵鍊開闔庶俾出離於長夜

靈寶請高功号栗界

劉公永

三山之上有神人兒孫兩澤一粟之中藏世界道大則容翺然  
分雲漢之音為我乘天風而下恭惟某人丹丘觀妙玄髮養高  
功滿三千普救一時之疾苦年希八百下看十世之靈乃儀圖  
首玉笄之班金屬明卷龍之珮他人不知我同姓道言得辭上  
帝臨汝无二心功宜簡在

薦祖父母榜

薦祖父母榜

人各有親庸失台節之報天无私覆廣陳設饗之齋謹書黑表  
以陳情尚異皇穹之鑒念伏願乘雲躡霧可通彤霄之誠心報  
風駕霆來錫瓊洪之厚福



薦之每門榜

張龍洲

黃錄九朝閭闔天開於金殿紅雲一朶通明霞映於玉皇祇後  
齋壇黍仰首馭伏願列缺施鞭而清道飛塵棄錮以啓途左廻  
三素轡右駕八景輪肅鸞輿而泣止北燭五雲車東明九芝蓋  
赤林羽衛以下臨廻駕傾光尋声赴感

薦母門榜

劉千林

涉此思親痛苦山陰之春暮臨軒校錄遙瞻天闕之雲低奏徹  
金華告行玉簡九重春色報雉扇之齊開一道靈光飛金橋而  
昇度

薦兄門榜

人間痛事挽稚子而哭伯兄天上玄音命靈章而開迷夜仙  
來下杰杰昭升道造上清夢想中宵之風雨演洋大梵流羅八  
景之烟雲

又

王季山

天上新恩玄風再振山陰故宅道士重來世上何年山中此日  
清風扶路別有天地非人間白雲浮空朝騎鸞鳳到碧落因緣  
至此塵劫洒然直頂梅過度恭如法傾心受度色空空色无有  
有元不孝仙不孝仙勿怨鬚鬣空蒙在无量福无量福但看勃  
勃出珠來

薦夫門榜

結髮情深嗟鳳舞分飛之苦志心頂禮藉鴻靈超拔之息爰彈  
膏膏之詞用瀆高之聽伏願九重雲路掃開洋騎以祇迎万  
里風程倉忽靈通而不至只

薦妻門榜

我肇米藻凌瀟為黃髮之遊誠謹獻片庸致玄穹之禱爰修法會  
用建皇壇伏願易地孤魂來聽玉音之宣演都天列宿出迎宝  
座之降臨

薦子門榜



昊天弗弔俄驚震子之亡其地欲超爰顛乾元之所預陳素悃  
肇建玄壇伏願雍翁齊開擁雲駟而降格龍旂軒闕即日表以  
來臨

煉度明榜

劉獨立

万卷度人開明三景一念愛母上聞諸天齊同壽域之春妙轉  
東華之炁空洞之靈浮於碧落道炁玄玄逍遙之境惚是神仙  
虛風浩浩

告斗明榜

北斗方虛能解夫妻之厄一封朝奏昭回天地之恩私懼輪困  
重關咫尺老人星現宏開壽域之春黃道風清上接蕭臺之境

水燈榜薦母

張龍洲

然犀照牛渚幽真固隔於殊途化熊入羽淵汨沒堪於無  
欲救淪胥苦湏仗光明緣汝等一葬鴟皮骨埋魚腹人間无路  
春寂寂水茫茫夜哭有聲沉沉憶憶幾生流浪一日曹逢

今之夜齋官其點照水面神灯薦拔河沙鬼眾樹合銀花橋開  
鐵鏤水殿駭魚龍之舞影透玉河一渡涵牛斗之輝燄垂金藕  
幻丙丁之火宅度壬癸之波神伏願出離愛河超登道岸北都  
泉曲府永離黑暗之鄉南閻浮洞天快觀清明之境

苗錄南清榜

琳瓊振響十方南清碧落空歌万神朝礼是名上清之天无色  
之界中有長生之君不死之神保天長存度人无量瓊團流陰  
羽蓋垂陰洞渙大空紫虛鬱秀靈風環烟開張万範要使山林  
草木平寺日月星辰停輪四杰朗清五方開廓空浮五色獅子  
之座衆入一悉宝珠之中上无色下无渊渺渺大羅之境死受  
煉生受度靈魏万道之宗

苗錄南壇榜

万聖臨軒度人无量三界侍衛浮空而來朱鳳駕十絕之幡  
龍建九色之節開諸天滅三惡攝北酆攝不祥留公度天下



前驅流鈴擲火魔精喪膽鬼妖滅爽斬地絕根普告无窮一時  
同至部制我界劫監眾虛周廻三十二天環列左右永度九九  
八難自在逍遙

又

羽蓋瓊團簇排仙仗莊宮金闕移下人寰位正方隅我分將衛  
是為莊嚴法界是為清淨道場手提三尺龍光影滅群邪象罔  
一塵不滓乃境俱融

又

羅至堂

駐八景輪三素鬱肅肅為輿會九芝蓋五雲車素禁林羽衛域中  
四大所在道外一點俱无壇宇常清法事俱衆于將灑自侵方  
隅者誰何魔魅潛形分界限於内外

又

帝御中壇天仗登嚴於禁衛辰居北所星垣又拱於端門洞闢  
九關肅迎四界伏願日帝月妃之並轡山君川后之齊鑿九億

群仙發自西那山国五千方衆來從南極珠宮降紫壇証明丹烟

供榜

龍洲

醞九霞揚開殺毒中日月捐一粒粟者翻鑄内山川底頂白墮  
呈能更享黃梁做夢金丸薦飯瑤池何處桃成玉粉炊香崑崙  
早自麥熟况有青蚨為白水相添黃鶴上揚州色色非空人人  
有分終朝飽食也勝綺里茹芝之何日重來却問赤松辟谷

茶榜

枕秋洲

摘來蒙頂軟軟虛芽土儀是猷借吸曹溪源源法水地脉敢忘  
奇絕麩勝過古老家風烹煎時靠定主人火色拔出我熱染手  
段打透他清泚幾開渴睡漢子喫了惺惺鬆鬆看經高人啜罷  
琅琅歷歷七甌雪瀾品題何必桑苧翁兩腋風生快活便休蓬萊客

又

金華玉筍環他二妙增光雪蕊空牙試為群仙招出願大家之  
暗擊看好手之斡旋伏惟知官財便腹之五經道非常道副官



得老人之一卷玄之又玄應知總是上根人  
喚醒渴睡漢  
驟驟而出榮膺五馬之符全璧而歸同宰九真之境  
聊見圓機不惟助兩腋之清風亦可轉三春之和氣  
莫嫌梗送少酒滋味之自回豈在煎煑必竟笑談之即辨

湯榜

大瓢貯月滷一滴於九江小杓分甘露三盃於衆口  
說甚高明教濃煎杏酪休誇政黃牛熟炙橘皮个是出酪  
醍醐別有驗人滋味其師川原遍歷甘苦備嘗只因財  
佩靈方自是古標正眼欲得痛掃諸方惡忌何妨拈出  
上品題有殺活機識淺深病莫謂西江多勝槩雅宜展  
拓此家風便須東嶺舊家山正好開張於鋪席

薦孤魂榜

伏呂聖亦狂狂作聖一念上因有差殊人為鬼鬼為人  
六道中遂相流轉蓋生死之後先雖異而善惡之報應則  
同况天性本

來皆有一五合凝之妙柰物情既動不無十二出入之分  
知之者半開玄妙之門昧之者塞逐白虛之室是以假威  
圖霸紛爭鬪野之龍恃力謀王駈逐入林之鹿悲慨列烏江  
之項燎焚盡赤壁之尸種瓜坑儒吹吹驪山之抱屈用桃殺  
士累陰里之術免欺孤弱寡之奸臣唱亂齊降之健將或致  
冥鴻之嘆或與交兇之思或埃罪以怨鴟鴞或較耕而嗟燕  
雀血蜀帝滴為再拜之花淚逐逐靈姬化作盈盈之草城  
窟漲征魂之水潼關高戰骨之山青塚丘墟髮髯琵琶調  
素貞黃塵驛道依稀羅襪脂餘香温柔鄉重絕色何之暖  
響暮暮歌喉安在赴井之弱娘怨如蓬蒿之采氏情悲楚  
思春媚謾寫玉堂之句長神效妓空歌金縷之詞其者看  
火之燈吹燈之鬼溪上吟詩溥驚張確家中談易頓悟陸  
雲江四精曉或假寐於婦人青竹鵲樓或托形於女子  
以至吐吐書笈之庸士陶二席地之先生醫藥之賊天採  
微之隱逸揭竿氓肆刻木磨香服艾製之高人衣蓑衣之釣叟



或泛於江湖而得利或屠於市井而避仇或浮蹤於花柳之叢  
或失足於樗蒲之塹或致寇於陳仲弓之室或有財於張車子  
之家緇衣掛鉢之禪僧躬行淫汙絳帕蒙頭之道士口誦邪書  
李婦隨胎且見嬰孩之索命王郎助法尚聞獄吏之隨身或號  
妖尼或稱魔母或溺仙鼎靈丹之李或精方書妙藥之奇或與  
巫蠱之妖或事伶鳩之伎或擅木鳥之業或專奔鴿之能或弄  
天文或觀地理或縱詭禽之術或誇彈鵲之工或醫部味財後  
之良設役烏喙或相者掉口頭之劇妄肆雌黃或磨笑刀或寫  
暗箭或重飛霜之慘或深偃月之奸或聚蚊而成雷或效犬而  
吠雪或受蔣氏捕蛇之厄或遺蒞公制虎之殃或死於覆土之  
中或喪於窮途之際或負卷成之衆或霆轟發伯之徒或江  
沉怨逐之臣或墻腰空警之子如斯種種何可枚知煙生青鬱  
壅飢喉冰公黑泥凝悴躄清曉而飛魂渺渺黃昏而淚眼巴巴  
倏往倏來方里關山誰是主惟寂惟冥四時天氣總愁人幸今

夜其人明生死之機体好生之德普延諸聖廣度孤童惡因緣  
悉與消除好時節母容踉道啓請三清則落頭禮拜宣揚方法  
則語耳聽聞母令侍勇爭疆母得伴警詠啞黃泉開關出昇地  
獄之凶陰碧落平夷今受天宮之快樂是名道勸請發信心

又

知王恨死雖鐵漢心也自成灰逐影迷真縱金佛身亦難度火  
蓋此理本來顯著奈夫人只自宜頑劫之波之涉之鹿之求珠  
入海眼光時費盡經營堆玉成山氣絕後幾曾帶得業緣珠積  
罪檢貫盈之石於薜荔叢中或墮於鄴都山內白粲之觸骸之  
委棄黑漫二魂魄之昏迷投河落井只自擔當塞窟填坑伊誰  
顧惜方感之云云奚似四時之僕之何之柳綿飛處雪翻風梅  
子黃時雨如霧潤悵秋光而尋三覓一妻涼之夜而冷二清二  
鳥猿總是知音青蠅常為弔客以刻為淺度日如年似快焦細  
目生花瘦骨枝層形似木个橫愁端苦惱休何方便與消除



至尊開解脫之門而為主啓焉修之路勉汝以雲厨之妙饌酒  
汝以露掌之清涼汝等好好思量不休執着渴冤家則各相解  
免同善會則大家喜歡懺悔愆尤三清前扣頭頂礼起昇快樂  
八難中脫迹輪迴

薦二十四獄門榜

有死必有生乃是道循環之妙无作亦无報者斯民善惡之因  
信地獄只在眼前而天堂不離心上汝等慢上蒼君而因涕唾爰  
錐錐出下策而作穿窬遂遭劔戟嗜酒肆狂而蛇吞噬茹重  
並素而狂狴拘囚破齋戒而培山喜淫邪而抱樹陷良坑善受  
炉炭以燎焚害物傷生熾維湯而烹煎毀人利已粉其耻於杵  
臼之間肥已瘠人碎其骨於車輪之下各於施惠者按舌倚其  
窮橫者分尸幸災樂禍則釘尔四肢說是談非則犁其二寸目  
床局促知毀形折象之尤壓石禁持見破如傷胎之過惡上  
喉因設毒寒冰沁骨為欺貧造詆讐者沃以銅漿忘恭敬者拷

之鐵杖滄溟經典則到休類落寺觀則切身喜談慈辛食火之  
禁難免盜攀花果吞丸之苦莫逃若是業緣豈容緩數要皆在  
塵世千般做作到重泉一已擔當百千方劫之沉淪多苦惱  
二十四司之報應歷歷分明流作孤魂散為餓鬼慘慘於荒寒  
之野哀哀於寂寞之濱窮徑梅林側耳吟虫舌在根揚西柳岸  
傷心啼鳥說來由雨滋魂魄淚盈眶月照髑髏形吊影幸今夜  
某人建瑤壇之法事宣玉笈之靈文見在身心假以蘭湯而澡  
滌本來面目賜之楮服以莊嚴便好將自己思量莫更待他人  
點檢懺非悔過回頭願長樂之宮報德感恩拔足離酆都之苦  
爾

獻天官齋疏薦母

風木纏悲哀逐鳥為之哀  
上帝居歆明神來享丹  
敬進饌庶幾精意之感通  
莫幽靈之沾溉

獻地官齋疏



芝車挂旌靈紛紛兮來下薰散蘭藉香苾苾以外聞軼忘再瀆  
之須荐獻五厨之供禮修南澗愧非金炊玉饌之珍告下北豐  
願救鐵斗銅丸之苦

獻水官齋疏

子欲養而親弗待空銜魚索之悲天居高而聽則卑冒獻麟厨  
之供內慙菲薄上瀆高明伏願米菲采對心哀憐於寸草莫頽  
奠藻誠歆納於野芹

九獄灯疏

苦魂沈九夜黑暗重重明灯照十方紅茱七七幻成蓮界普薦  
萱親伏願扶桑吐晨輝破幽陰於北獄紅袍迎長笑報喜信於  
南宮

黃籙放生疏薦父

龍洲

物吾同与有此生皆願全生子欲報親由所愛及其不愛廣贖  
飛潛之命庸管薦救之功伏願高者入蒼天紙淮南之雞鼎沛

平縱巨壑徒莊曳之鯢池

又

宋楚金

潛鱗躍羽本然天性之相忘縱壑馮風特表孝誠之不忍良由  
君子之心親親而愛物毋謂老氏之道煦煦以為仁涉彼姑兮  
涉彼岡兮何嗟及矣本乎天者本平地者得其所哉庶幾托此  
良因可以薦天滯魄以所愛及其不愛各希救苦之息願有情  
達於无情均遂更生之樂

又薦母

均是炁者同躰無非坤母之資皇生置亡而後存各遂乾元之正  
命况鷺鉅傷弓皆知避禍則投竿制網奚忍充庖錫景思親因  
人及物瞻屋烏而起愛益深慈鳥反哺之思睇轍思而恩良愈  
重枯魚銜索之感惡殺休蒼穹之初意放生按黃籙之玄科普  
願飛潛同沾惠澤搏風上羊角逍遙丹界以游遨隨水到龍門  
洋圍瑤池之游泳息沾含誠福萃先靈



雲寶放生

劉涓溪

天高地下張折者之如斯川冰雲飛本浩然而无害誕依於道  
如返其真曰圍圍曰洋洋欲左左欲右右已翔象郭母下視以  
退飛自得江湖尚相教而謹出

投簡

山簡

劉立雪

金錄壇巡封章請詩玉皇天畔篆簡頒書敢煩符吏之扣關付  
与山靈而作鎮數十个鬼并呵護千万年功德深長願從今日  
之既盟長使延年而却老南山燦白石爛此烈難磨比辰遠天  
柱高其福永艾

水簡

水者慶之源正屬三官之一福壽詩為大更祈千歲之多黃錄  
成功丹書錫簡投之百丈无泥之所表此万折必東之心夜靜  
水寒長使蛟龍守護江流石轉勿令螭魅取將德鉅以崇天長  
地久

告牒

亡牒

金剛肆赦救地上天玉牒鑒功盟山誓海此靈聖度人之弘願  
在玄都歷劫而一傳故彭母夫人派出伯鸞之高德配錢鏐之  
裔有勤儉慈二宝宜壽齊眉去色欲界一塵徑歸大道生存修  
証沒有薦揚鳥鵲橋成目持符徑度靈珠宮近不妨把臂同遊  
又薦子

黃石仙翁度橋送之孺子瑤池王母記窗下之小兒三世伯緣  
一年復會故即君劉其玄都舊客丹允新羅幼識天孫意可繞  
舞之記俗緣日淺居然從大父之遊幸逢開度之階宜在附并  
之籍泰礼五十二遍还返本來侍香三十一人從今好去

法誥

白玉塔

桑田成海三成田一刹那間又百年撥轉頂門閑換子阿誰不  
是大羅仙所以風中之燭水上之萍岸上之藤井必之樹石逐  
之火電畔之光須要未雨徹黎莫待臨渴掘井且如今辰齋官



其人等向眼耳鼻舌身意無不回首從道經師真玄神妙處知  
音建瓊函玉笥之筵命星弁霞裾之侶及大地化成鬱羅聖境  
這些光又是龍漢元年灯燦龍膏接下楚天之星斗香焚牛首  
熏成越嶺之烟雲非止於一天二天乃至无量天中月花鼓弄  
可以此万劫億劫及於河沙劫重福果豐隆雖然有是津梁又  
作麼生証授因清地因此是万聖千賢眼目可為二空四梵  
指梯其素旆凝碧落之雲其玄札結紫霄之篆畢竟分付一句  
作麼生道日裏有烏月有兔水中看虎火中龍它年騎鶴乘風  
上直到蓬萊第一峰

為道士火解

這道士吐故納新本圖氣壯餐松啖柏拍壑長生等閑勸水書  
符便得步罡朝斗脚踏騰蛇八卦便說乾元身利貞頂戴七曜  
星冠不顧生老病死苦將謂二尸永斷豈期五臟病生仙都重  
子未來迎地獄鬼王先到請不待汝呼雲喚鶴叩齒焚符到

奉行有請不背到這裏不免會東方之木德乃南方之火星點  
天地之輪灯結四方之壇界燒教伊恍惚惚驚得汝真真零  
零要識先生真去處長空聽取步虛聲

水解

生必有死雖至聖以誰逃死不復生故大道之深闊共推其人  
昨辭人世靈樞還山付烈焰以煉魂諒神儀而超度金骸銀骨  
摧葬龍宮淨魄真魂即在天界稽首皈依。人生碌碌邊英雄  
百歲榮華物是空魂魄既隨烟焰去權將骸骨葬潭中。伏願  
罪愆解釋善果圓成神識不墜於樊籠名字標題於洞府蓬瀛  
閬苑長為笑傲之鄉紫府瑤池每作宴遊之地

為道士卒棺

**附註**乘龍駕鶴未離換骨之風煉藥燒丹尚設靈壇之寓所  
謂丈夫自有衝天氣不向古人行此行即有某人七十八年住  
世二千功行修成不逐南柯夢蝶之魂常之夜月蘭舟之影對



玄幻殼當幸金棺一步出門不相委當玉棺幸如慟悲號喚不  
回頭怎奈何好奉三清真存毀海山無復再經過伏願乘茲妙  
善感悟出緣性識見已圓明貧賤憂盡消釋六根清淨仰觀玉  
燭臺光八識分明長餌金華甘露然後真仙接引上宴福堂免  
業無生道遙遂性

為梁道士撒土

姚雪坡

平生盃酒不隨浮世塵埃一辦心香又為帝君殿宇如何羽化  
遽尔仙遊倘非去三清境上作妙行真人即是向七曲山中做  
侍香童子一靈不昧乃古長存聽我贈言為君撒土 大衆畢  
竟末後一句作麼生道喫九轉丹成無量礙飄然直上齊蔚蓋天

# 事文類聚翰墨全書卷之九

癸集

# 新編事文類聚翰墨全書卷之十

癸集

天道教門 文類

疏語

題化

宮觀 玉隆宮修造

須溪

往年内降宮制修造甚盛歲久物弊新之實難旌陽之於斯  
人至卷二也嗚呼其忘諸

騰靖錦宮小躍龍輝之千步龍門綉嶺尚容堯鳥之四朝其規  
模出於上方而歲年深於浩劫厥構將敗如栢斯傾伊欲千門  
万户之觀盡如往昔政復中人十家之產其與幾何然閭闔具  
四方之風警承平非一士之畧山鳴谷應雷動雲具八百人出  
五陵之間以時可念後方之修廣寒之府不日成之

玄潭觀修造吉水州

宋梅洞



崇元有觀以旌陽劍重劍去復還當有大莊嚴以壯壇靖况  
觀有誠齋平園題句与江西兩卷正從史之翰墨樂施速成  
亦入同福

橫空一劍喜回合浦之珠秘前數間願借廣寒之斧籬落宿丹  
餘之雞犬鬼神護雪浪之龍蛇壯觀登臨消除鄙吝千尋竹千  
尋木一與粮一與將崔顥詩在上頭相与張虎鬚之勢蓬萊仙  
司下土會當助鵬翼之風老子五千言〇〇億万歲

新具觀修造

羅橫舟

玉筍流芳地披印山之勝处宝珠垂耀天開觀宇者幾年名金  
襲於新具实尚仍於舊貫爰更魏構式副前称况聖朝崇獎於  
真風以師首主張於道教非万間之廣不足以視辰居星拱之  
重非庶民之來无以表嵩呼華祝之同若為政視以尊瞻是在  
協心而愛助如天之福不日而成會堂聳翠飛閣流丹倘遂因  
入而成事黃河如帶泰山若砥由富与国以齐休嘉与迹遐共

圖利益

重建聖壽觀

甘泉祥地  
山太平庵

須溪

甘泉故宇遙矰繳而去之落葉空山捨榆枋而已矣問其各者  
以為太平且万壽至其地者不如茂樹有清陰盖道傍之築三  
三年而未成而北上之期五五日而不遇地靈有待觀以又新  
我有宝符在常山之上君知月殿乃衆力所修惟勤周流即集  
佳勝

殿閣

金城三官殿

刘道士正摹以沂年長二月齋者十室而九於觀上建三官  
殿為衆焚修敬題福緣

金城演迤以為山林老子之居玉斧修圓又建天地水官之府  
使月齋二十九於此拜表使年時二五夜於此張灯行看駕鶴  
於龍樓不待焚犀於牛酒且殊歎屋徒効如熏迺積迺倉于素  
于衆共提福筆如翬如斯飛斯翼即是春官



五嶽觀建真武殿

須溪

王虛之神玄又玄為教父二道人有地北之北求我兄二起龍  
鳳之與輔以龜蛇之盤礴各言二順卜筮二從家有壬癸神生  
我養我護我歲在申酉孰經之營之成之

晉山山王虛觀重建三清殿

須溪

舊聞福地多義之淵明之流何恠春臺有弄玉飛瓊之女觀有  
飛昇其得名晉仙以此而不知子氏為誰殿有三清弊非一日  
欲重揭高上黍珠之處尚復聞空中環佩之音棟宇非一木所  
成江海須眾流之助庭晞新沐豈无老子之緒言風韻流鈴不  
知芳鄉之寄意

紫霄觀修殿

三山賜額有文忠文節之椽題八柱增修見嘉定嘉熙之壁記  
日月遠而梁將虹沒風深而在欲驚飛錘金銅五百年不滿摩  
挲一笑然玉斧三千戶奈何鼻睡未知汝有取材百里之間又

必伐石他山之下聞風色動呵氣雲成銀粟金錢如見交流於  
地上金宮銀闕佇看移下於人間

迎仙觀建藏殿

黃西有

此地五陵之內當出神仙夫山撮土之多可只宝藏乃若枕龍  
源之山勢後帶鳳洲而江水前不可无經緯之儲勢必有法輪  
之轉日月与璣衡俱運水火共闕軸相摩必崇建立之殊勳須  
仗扶持之巨力五千四十八卷并歸老子之言一會六百万年  
共祝聖人之壽

葛溪靈丹觀建玉皇閣

葛溪舊靈丹觀乃葛翁浴丹之地其井尚存今欲建玉皇閣  
是間眾緣必集

問溪何姓或云化龍之陂有觀名丹猶見如虹之无悵唐鼠把  
腸之已遠證海蟾出殼之難起閣二重去天尺五使黃鶴一  
去者於此使青蛇二入者其白鹿為幣黃金鑄錢惟所欲捨



登棟飛雲朱簾捲兩豈不可觀

吉州天慶觀重建紫微閣

梅洞

流水高山自得塵囂之外長廊復閣相推陵谷之間關路房蟻  
允之乾坤復月地雲階之棟宇然无一粒粟藏世界安得百尺  
樓摘星辰涓滴成河陽和滿地東風一采年二玄都觀之春北  
極辦香夜二紫微垣之宿肯心善事地久天長

題三元閣

十里象江家謹三官之奉數椽金洞地存方丈之基奈何以蝸  
蠹之餘而肅此龍駕之馭且四方賓客來者尚厭其全埃况三  
界神明凜乎如在其左右一修一造百費百工欲壽富欲康寧  
毋貪愛毋吝惜正月七月十月是心非飲茹之齋曜靈金靈洞  
靈凡福萃降迎之地万年國壽四海民和

洞陽壽昌觀題玉皇閣正一壇晉真人黃元右飛昇之地

如何黃大古所居有八人過或曰王泰玄可賀以一柱具故於

焦頭爛額之餘而為擁腫鞅掌之役更仍舊貫其建通明上焉  
玉皇於是乎高居下者天師於是乎結界美哉輪美哉與七宝  
合成俾尔壽俾尔昌諸天朗詠

道院

王喬山修造

真溪

王喬山為庐山別館洞鍾樓閣天成龍漱之真昭應福地  
也建炎屋燬遊觀盡廢重具道院以待陵仙推芳名之留不  
朽焉

康庐山五老人龍鍾而下晉尚方一双鳥見石猶存精舍起而  
道香二靈漱存而夏雨二地欲改關宅亦上昇石鍾殼其餘音  
丹竈恍兮出谷以天地此山之有名姓可風雨四方而无室戶  
仙人雖可以等期會言近止吾獨何為在泥滓遠想慨然

題王喬山道院

真溪

滿空咄二因兆需而歸揚得意飄二更避堂而合蓋肯指憑矣  
之故宅又傳東老之詩仙幾年過城奈識老樹精一日奔入



從赤松子旌陽斬蛟第二劍有時重來揚州騎鶴十萬錢於何  
取辦諸賢樂與勝事便成三千年歸城會共手摩於銅狄七十  
一福地誰知山施於金公

玉笥山建侍宸道院

前人

侍宸教父儼為江右之太宗玉笥雲孫又作華陽之別館有洲  
如玦倚蓋而椽非敢畫崑崙薄蓬萊亦欲隱相儒迎仙客使澗  
薪白石汝能剖而分之則布襪青鞋吾亦從此折矣是以長者  
為之一言此非緣木而求魚便可種否而收谷有來助者意其  
皆青山白雲人何以教之自有赤松黃石我

李青陽建道院

前人

清塘勝境春日嘉名開別館以離群囂結幽香而成小隱其  
推此志修符日游

道生万物是為玄元之孫天有四時未若青陽之美以此為游  
戲方外以此開離便華宮何浪種滿觀之桃花相與拾滄洲之

瑤草青溪中有一道士自得優游黃鶴高於五尺童會看交礼

徐祥甫建道院

周懋齋

昔徐方工肇迹蓬萊岳中至樂道翁結屋海棠集上皆於超遙  
恍惚之外整然結構經營之中今聞孫款紹於家傳莫同道不  
知於茲寂須借駐毫之助庶均厦屋之權一刹那間架石鑿屋  
開宮室大因緣就排雲聽覆上星辰

駐真道院修造

熊竹谷

上界是官府不禁飛仙之遨遊仙人好樓居莫名太上之感應  
瞻此孤峰之頂超然一刹之宮玉樓之起秋風既足少安於颯  
馭金鐘之在東序若為母權於山門要令武夷神君之留田必藉  
白水真人之力有法无法万物主既聿振於崇風同玄又玄衆  
妙門更有關於元化肯心不昧道蔭无窮

玉笥紫溪壇修造

紫溪地勝雲分玉笥之陰滄海塵清幡轉石壇之影政念三茅



之捲去勿承一柱之飛來昔先茲燕交而春風動搖今麟屋龍  
堂兮崑崙浩湯雖只費鉅甚而見開欣然碧瓦初寒為靈臺為  
靈園為靈沼白雲千載祝多富祝多壽祝多男

雲騰山結菴

雲騰山結菴

須溪

何年太守埜埃風而上征北山道人邀白雲而同宿三光羅列  
而在下大江日夜而未央以奉三仙以來真交山靈語我祈孔  
賓歸去來後人指之太白仙嘗醉此試把舊語以待有緣

桃花洞結菴

渝許純甫辟谷有年而道未就邑五七里得桃花洞天故蘇  
仙隱處將誅茅為仁者成之

劉郎去後尚留洞口之桃花許子冠乎又見山中之樵木跳而  
未受者六七澗拙不自營其二重茅不難如張子房從赤松安  
得有都嘉賓於傳約吾亦欲從此逝君問謂汝何之此日逃虛  
為午大為干大他年蟠實可用偷可二偷巨无同流共与其潔

白茅聖泉菴後記

地号白茅宜平時之不穆不穡泉因卓錫雖凶年而乃積乃倉  
凡傾汲迹之心香尽切滂沱之脉瀾交飾青蓮宇奉為水晶宮  
跋斯翼羣斯飛今僅存其規畫人為宋小為補久矣怯於支梧  
敢投衆信之緣少報能仁之德四海蒼生至靈靈願顛扶大厦  
之將六時天樂朝香必當慶祝豐年之慶

雲泉菴修造

楊休文

雲泉活計无有数椽湖海歸來但存四壁荷山林尚容逋客為  
風月拚作閑人曾中丘壑只要發揮架上詩書且无安頓只披  
見成景致待更別作規模肥竹窺梅上衝經閣時參種祀前築  
藥壇中間池養化龍魚底下坐對賢人酒自此婆娑歲月管領  
烟霞任他珠履玉簪老我黃冠羽服雖是巧新婦難做无麪餅  
幸有孔方兄未寫絕交書得杜陵草堂之賞豈復再愁春雨漏  
誦昌黎竹洞之句斷然不放俗客來打起話頭各開笑



建葛仙翁龍壇菴

監清岩

山高仙頂曾分一莖香烟地闢雲壇擬結數椽卅舍想風馭霞裾之縹緲尚雲窗霧閣之虛無問仙翁丹訣可傳每誦杜陵之句聽牧豎歌聲已遠誰系園澤之機水泉於此發靈賜雨自今從持利物濟人如是同心向道宜之下日完成倘有把茅可蓋異時報施定期得見好瓜

建道德經堂

楊秋山

九層臺起累土者善建不接二十輻共一轂者故終無窮此為無為無不為見道可道非常道物或損而益身與貨孰多修之於鄉德乃長既以與人己愈有難事作於易大事作於細終無尤矣無欲觀其妙有欲觀其竅豈虛言哉

祭屋

玉筥重修道寮

須溪

玉筥承天宮有道寮於濠上濠上之役予多贊之惜其林多於地多壤廬舟道人去而屋在壞其徒天成有意重新之聞

者稱願

谷陵二谷久无濠上之魚神腐二神尚同橋中一濠此二茅之真館亦一柱之承天逝者冷如丁而不歸居者望走晉而相踵松生二生蟻无陵不傾錢化粟二化氈何愛不集所有賢者又多善人虛而往實而歸屢斯飛跂斯翼臺靈臺沼靈沼不日而成子又子孫又孫与山无尽

題田

丑存吾龍沙道院化

須溪

一生江海僅成百尺之樓上界群仙只待五陵之安豈有開華陽以授弟子而使貧監河以給斗升使館有彈鋏之聲則門无携履者至賢者並耕而食无所可為飢而一與之粮何修能爾是以有爰田之率出而就有道之謀分少共多東阡南陌一石杏一石谷會見異人二百困二百屢詠無難事

二官會化祀田

郭宜齋

今夫天今天地今天水神不可知以立春以立秋以立夏敬之



所聚矧昆明之灰未泯惟浩劫之家自如關青天潛黃泉使物  
不疵厲而年穀熟披丹霞拂紫海使人得跪問而宝訣傳德  
月而齊心服形將萬年而收功受報於是聞者無不欣然此一  
齋香將普薰於世界及未來際舉無量之福田

**化糧**

閣阜山化糧

楊勿齋

形閣色阜天生箇棟山川火旱木飢遇着這般年歲原田十數  
頃及皆絕穗羽衣三百輩誰解休糧云云所知宮戴破撲頭便  
須瞻衆大施主掃殘倉脚儘可活人未論是米是錢且要逐日  
逐頓有天望蒸餅落官辦肯心無虧做飽飽成却誇好手青黃  
接也冠褐欣然

**中華**

中華山買山

中華之山三仙之居環視下風悉屬大姓既非五口土如寄他  
山便是宮猶惡於人間仰終古莫償於俗負今自某至其好  
事已割其半然得尺則人非錢安敢破餘爰出疏文以待仁者

虹橋路斷已屬化人之居鼠蟻瓜分逐有觸氏之國雖白雲包  
而款幸何黃金價而莫酬自宇宙以來即有此山然天地之間  
物各有主從卷石貝宝藏及出大空与百万買山錢相觀好事

**化功德**

化功德

白玉蟾

道本无形豈因繪形飾像人須見物方總隨物具心是宜益所  
不可存之容所以曉扶曾曉之者青鸞朱鳳在剛風浩无之間  
白鶴蒼龍於浮靄太空之上不中元有像其物非強名既心存  
目想之猶堪粉飾金粧而不可恍二物儼然賢聖之雲蓋  
簡二穰二宜尔福祥之川至

洞真觀化功德

宋梅洞

觀復洞真基址尚聯於白石像存恍惚工夫殊欠於丹青雖道  
二無像而像常存然語曰祭神而神如在五星東井二景先天  
有能捐呂洞寶點鐵之金便可借尋道子和鉉之筆天界地界  
水陽界分明綵石靈道香德香清淨香回向莊嚴功德



新真觀題法神

趙青山

道家者法家者本出同源土偶人木偶人尺歸一水天既留千  
百年新真觀我更起八九位廣力神雖有濟民利物之功但无  
兩粟輸財之理版依施主闡顯教門一筆便勾立視斬妖縛邪  
將衆方口齊和為念消災度厄天尊事竟有成福生无量

玉晉山刻度人經

須溪

前年為玉晉宮中寫度人經或欲以計取之觀曰道人亟刻  
之梓然又欲余書道德經并刻須衆力成就為作疏云  
文成碧落共驚金字之垂芒晉在名山遂見榴皮之入木此非  
刻楮而為葉便可潑墨而成雲一一不宣多二益辨黃廷經中  
老道士從此而傳青黎閣上一真人見之亦喜

閩錄 題人閱錄

晉齋

太上垂科有利物濟人之要天師付錄為護身保命之符參受  
者長福延年奉行者超凡入聖雖請給皆憑化士恐尚虛文然

申明更用道流重嚴奏表庶得名登天藉朕進仙階美玉更用  
琢磨无瑕可指良金再加鍛鍊一色愈新不廢前功更激後福  
喝采竿頭進步分明錦上添花

題書

題下元蕊珠會建靈室

沈定国

諸天校籍地司安主下元二日修齋靈室充為上品如此一國  
男女孰泚五陵神仙雅宜異骨成親其慶生身受度然仙翁作  
九幽戲必須回向莊嚴而老君說北斗經亦貴虔誠獻禮蓋財  
施可以對法施而敬田尤勝種福田金室效盟倘輟一灯一筆  
之費珠琅振響高聞隱各隱請之音

供器

迎仙道院化供器

梅洞

大隱城小隱林城非林北上謂道下謂器道以器存是為八法  
四通奈何十用九缺且也方取千千取百庶乎一生二二生三  
種來世福田足群仙家具碧嶂清江之上其至如歸黃廷絲關  
之間以修為報



題鐘

大秀洞天題鐘

須溪

楚山氣異已飛燕地之霜追盡声沈未竟洞天之曉笑是身之  
鑄錯何慶鏐之誠懸欲款坎鞞鞞如石鐘山必震撼擊撞有金  
剛杵相求相應萬具輔金刀以行六扣大鳴鯨魚与蒲牢共作  
是為法樂永鎮北鄩

閣卓山御書樓題鐘

前人

星積閣道下建五丈之旗宅發蒲牢上徹九闕之帝自龍池之  
斬黑齋銅山之西崩久矣此音不聞於蓬萊之夜老人尚記於  
長樂元鐘初鑄今觚稜梁魚已出天半獨嗜吟鐘銘未落人間  
欲求長揚千石之撞政賴承露一臺之寶此時烟閣但應勒鐘  
於景鐘異日銅駝會見塵沙於追盡

題灯

乘光觀題長明灯

何致軒

大維大破黑暗世界兩曜无功長明公住昭應經幡四時不夜  
况洞府安為憲府必乘光常曜真光定連開不謝之花道月幻  
无窮之登蘭膏一炬檀信衆緣暮三百六旬只一日一文施捨  
灯幾千万億管終年終月平安要看紅裳女子現身便請曰水  
真人出手

出炭

雲堂化炭

楊勿齋

玉炉暖处逸能養自已丹芽布衲凍時未免看主人火色緣是  
未離四大從來難過三冬好做看成逝相供養猜他謎子分明  
山下着灰知我寒人權喜雪中送炭

入道

王生入道

須溪

灑溪之從孫為衡州推官曰紹宗二二之孫曰通文弃家  
入道求跡隨緣

世外跣屣每為老聃之役眼中踽踽又見灑溪之孫何昔者龜  
脫筒之難而今此鶴纏腰之易得已則吾欲已无生惡以為生  
如放豚然既已入其苦矣孰若鶻者吾願從之翻耶

郭生入道

前人



黃白雲道人喜吾鄉郭後夫發性授以金丹鍊要後式館授  
為養因循有年今者慨然辭聘入山凡願其成道者宜有以  
相之也

子微稱謫仙之風骨白頭不見於歸來老人授孺好編書黃石未  
聞其聲蓋明日復明白者幸道之太病而一年少一年者警世  
之至言奈何剗形去皮之難但見屠羊入肆而近所以淵明趨  
角无成之歎甚於元德髀肉復生之悲愛之者宜清瑣廢行之  
者必施枉棘乞青霞珮至白雲鄉使燕昭无雲无而漢武非仙  
才自應已矣若少慈為諫則山鄉亦吾子當其成之

陳生入道

須溪

少年游俠共傳驚坐之孟公近日心齋又作閉門之无已謂神  
仙可學而至謂江湖欲釣其間乃於西湖西自占北枝北使世  
无七子則已有必斯人每時与老穎者俱今將与用喜聞開啓  
駭出散花未必生龜脫筒不堪正恐騎鶴纏腰未免希夷一睡

蓮月不知墜其之下山泥九十月成丹須待聞蟾之出殼有懷  
愛助并致贈私

李令史入道

周懋齋

豫章八百大弟子有公皆可圓成混元三十七代孫對面且容  
蹉過况王侍宸恪守公法遂列仙階而張紫陽頓悟玄機亦由  
吏道只要當仁薦取立教大用現前明月珮切雲冠大衆更饒  
擷撥崑崙關蓬萊路這回真个清高施主結緣天尊有福

度牒

閩阜山道童題度牒

須溪

江右名山閩阜福地有儒氏子吉刘禹傳与諸公求祠部牒  
為列此疏一字千金

剽剽啄啄有客自京都觀來勤勤云云求我寫黃庭經去此刘  
道士待銅仙人山中之竹皮可以為尔冠天上之青藜可以為  
尔杖奈何以身為溝壑特欲掛名於官曹嗟夫青山白雲人未  
能免俗雖然清風明月我正欠買山有能鑽皮何吝出口



從孫知至題度牒

須溪

道生劉知至吾姪南城宰之孫幼尹之子也好施而貧知至弱冠而歸揚從其祖師歐陽長道李詩与琴猶未離儒氏氣味使一冠一褐必為高明道人諸公其念之

吾宗孫子看博帖之鵝群大父老人有截家之身鳥舊嘗空樽滿座家今者絕粒求神仙渺飛絮之无涯撫爛柯而同本楚景戴也甲氏也為尔可於許子冠乎衣褐乎慨然有望

虛舟道寮二生求度

前人

刘天成羅存道承天宮寮二道生五虛舟仙翁之五世孫也將求天師度之於是潭東老子為倡而乞言於須溪須溪曰自於誰至洛誦不知幾孫如螺贏与螟蛉猶有二子此糠粃之所陶鑄亦霞珮而相頡頏尔玉童之道流尔金刀之仙譜或鑽皮而為之羽衣飛毛而為之裘有一童子歸大清推錢而已夢二道士過亦壁非子也耶

紫霄王道童化度牒

前人

小年跛履一隻為無絲尾何日飛昇十方寶揚州鶴居畏壘而已久因邯鄲而歸孰知有蹠之皆空頗以全足而見笑願言慰惻惠我扶搖自此得仙踏蹠无予如矣重來入夢蹠躡非子也耶

開明謝道士題度牒

何致軒

大元國重天師教主欲廣度人小道生住諫議仙壇願先授業來題中統室去換一清衣東道主肯大撒花南寮衆誓當結草護身符三尺固由三世修緣大手筆一揮管取一變至道

梭山太平菴道童未處晦化度牒 青山

插梅花洛陽道上頗有希真之素心責空禿鶴鳴山中將度光推之仙骨欲得護身符子須逢具眼宗師結三生有緣人馬東方太平北道之行也時則易然山玉珠珠處晦何意海東木本知恩當必報恩



棄官入道題度牒

吳春宇

孔子問禮於老聃乃所願李杏林出家為道士未待吹噓自於  
老病之軀欲換塵凡之骨獨冷飯不足三載必窮歸去國已无  
一室懸罄須辦道衣道牒道院時咨金銀字鈔字錢贈予乎贈  
言乎皆知已者祝天也祝聖也是謝恩時

女冠妙淨求祠牒

方秋崖

白玉燕釵久寒舊夢碧雲鶴駕初引新声但覓半幅官錢綾不  
記三生羽衣曲前度桃花之觀已斷塵緣清風蓮葉之舟豈无  
仙分

法服

化道衣

壘山

某人孰朝真之科教習事帝之容儀入我觀門共成道法蒙  
家大族長者善人必有仁心共成好事

黃綃銀草頌皇恩而訓戒朱衣玉珮在帝所以周旋倘一者之  
得兼亦一生之奇遇實知音結妙字必承君命以修真法簡寂

得石壇難以朝衣而拜斗有誰施捨成我因緣豈無地位九分  
人或遇神仙一會客天台山之採藥便逢福地以逍遙玄都觀  
之栽桃不負息門之培植

快活林道人化衣

周懋齋

烟簑雨笠只是暫到高士家風月珮雲冠方見大洞法師躡面  
豈肯為閑人拭鼻涕要默朝上帝到泥丸方此指露地白牛之  
緣還須作橫江縞衣之夢越羅蜀錦金粟天出自肯心周村孔  
席泉府錢何妨隨喜道人稽首施主點頭

謝道士題法服

何致軒

洪都空排空馭氣有精神固可升天紫微庭佩玉鳴銜无冠服  
如何勤帝甚欲舞而袖短須張毛則裘成好面皮肯大撒花  
身章容易結果道士願笑得換躡躡羽衣之新上帝格恩請觀  
齋明盛服之祭

金城道院九李之道生化衣

黃西月



十直君分化外又增冠褐之緣一道士願笑間皆作裳衣之變  
一者脫儒服而入于老一者着宮袍而望之仙休言趙州之語  
幾斤且說賊溪之縑万尺三生也禱再拜也禮立命金坡須念  
一絲不露擡頭玉筍尚分九襲餘芳淨裸如何都無是

呂仙生辰化如意袋

林濠上

袖青蛇而長在父矣純陽託黃鶴以為言揆其初度不當冷  
台妙莊嚴然皆空蕩蕩出家人而欲辦種種如意袋這般難  
合結良緣飄杓登門多少也隨力量雷國英分明認取神仙

**緣化**

揚道人化緣

雷國英

燕山樵道人弃家雲游訪天下名山洞房問道求師而能謳  
吟道情時有裂石繞梁之韵孤鶴翩然殊无憂色然杖頭之  
費好事者當致思焉

一枕熟黃梁勘破洞賓之好夢長吟遊碧落深慕采和之踏歌  
未能御列子之風不免冒韓湘之雪手持雲版清歌時道曉雲

低身着麻衣俗慮已隨春夢斷一襟朗月兩袖清風綠水青山  
千万里不愁行路之難陽春白雪兩三声未必知音者寡壺中  
有藥欲起塵世之秋風袋裏无錢難買洞庭之春色未得辟穀  
點金之術豈无解劍拍庫之稽首結緣隨心樂施歸問  
死他年功滿三千騎鶴上揚州此日腰纏十万拔毫幸甚行色  
壯哉

**上梁文**

紫雲之道院上梁文

宋梅洞

三神山曉天分白氣之祥九子亭春地出紫雲之瑞即心是室  
築道為基共惟某人齊勝園林虛空樓閣夢齊黃梁飯方是少  
年指撮白玉丹不圖今日出關而候老子避堂而舍蓋公明月  
未明時早已擒烏捉兔深山更深處不妨踞虎騎龍吐嗟瓊  
朱闌指顧丹梯碧海子孫一派師友千秋收日下之牛羊化雲  
中之雞犬青山之開五百歲豈無一石之緣丹井之溢



況在五陵之內幸頭相賀拍手同歌

○東 默坐林香曉氣紅擒就蒼虬歸碧海種成瑤草長春風

○西 上得丹霄不用梯坐看一輪新月長清風滿地燕雀齊

○南 赤幘真人駕赤駿等待丹基成就了却將火候託三三

○北 一白中間常守黑定教亥末子初時暖透簾幃光燦々

○東 玉鶴瓊壑催曉仗一真承詔眾真隨空使碧猿啼黃帳

○西 紅召碧桃分四野謾留六曲紫芝歌夢裏清狂醒可怕

伏願上梁之後古月一明瑞雲四合樂哉自樂現心上之乾地

空者真空貫一中之離坎地墻而地以升

大秀宮高上堂上梁文

劉頌溪

江西無別洞天兼制北鄧之府殿頭一方丈地又見廣寒之宮  
其上下旁礴而扶輿其變化高明而廣大便如開闢大似靈光  
是蓋法梁天王所居夫豈羣玉山人者比朱門大壽壽甚人間宮  
府之嚴黑籍真科多夜半鬼神之事舊分半席旁列兩梯上石

如鶴鶴之枝下者如井蛙之底伊欲四通六達不妨五步一樓

閣道橫陳日月高奔而相映木天下覆寒暑神至而不侵何必

建五丈之旗而後神明通何必廣萬間之厦而後仙客集堂名

高上峰嶸金翠一氣之旁山出阿房彷彿繡嶺千門之勝文成

五鳳梁贊雙虹

○東 天光元与海相通不管下邊晴与雨上方如補鑿長紅

○南 綠沈沈處客清談未必山中如殿閣微涼也到老人庵

○西 亂鴉歸後夕陽低閑倚闌干看倒影蟾光三五自如規

○北 閣山不似鄴都黑夜半惟聞風雨声朝來篆葉無人識

○東 南北奔波同仰望鐵磚不管歲年深又見天門開湯湯

○西 舊日蓋公無可舍堂中石鼎自吟風惟与山中共清話

伏願上梁之後百靈受職万水朝宗祀事有報有祈山行不逢

不若天大王大普及九州九州乾元坤元仰祝  
万歲萬歲



清源洞真人殿上梁文

王臞軒

伏以靈壇鶴舞有開清源故洞之祥宇宇翬飛頓改紫澤新宮  
 之觀山川絢彩雲日宣明眷北麓之仙區號南州之勝既四百  
 餘年之丹竈儼若遺蹤三十六所之洞天居然並駕自唐而鍊  
 真度世至宋而錫爵加封神化無方潛天而天地而地虛心應  
 物曰雨而雨暘而暘有大功德以庇民不為威福以駭世朝廷  
 所以游頒顯號郡國所以祇奉常祠輿從嘉定之年復立東陽  
 之殿神光渙發僅如暘谷之在東帝坐尊臨未計紫垣之居北  
 維茲藩牧來謁祠庭謂面勢有所未安諒仙聖必非所然爰致  
 採籌卜下果如吉筮之從信尊卑之分有常而幽明之理則一  
 乃辨方而正位務揭虔而安靈叶君先臣從之儀倣辰君星拱  
 之像上帝臨下有赫端睟表以面正陽真人與天為徒領眾仙  
 而陪太乙靈觀星宮之爰葉靈恩月砌之靚深洞主開山其紫  
 陽陳先生之

共成一段佳話脩梁辛亥吉語將之

東

懸崖百丈翠如葱徇祥雲外參靈併朝謁青宮上紫蓬

西

雲山旌歟瘼山低朱書曾染十年石丹竈猶封五色泥

南

蘆芽萬壘聳巉岩憑誰喝石開靈鐘喚出飛符躍玉函

北

花酒道人曾戲劇月明人靜步虛來喜色津津春拍拍

上

乘雲御氣紛仙仗丹成雞犬共飛昇醮罷鶴駕呈景脫

下

給雨支風權造化滄溟永息鯨鯢波田野相安雞黍社

伏願上梁之後神祇受取川瀆效祥膏澤多豐年稔黍稷稻粱  
 之慶化國舒長日絕鼓桴力斗之聲凡屬枿懷共躋仁壽

冲和道院上梁文 崇川書府

省軒

利名場外要尋恬淡之緣闌闌塵中幻出清涼之境道教方隆  
 於時好仙居允發於地靈竊惟冲和道院勢枕坡陀氣秉膏蔚  
 宏基懿址喜分地之有人傑棟脩梁復開山之遇主抱冲化陰  
 陽之宅起神光牛斗之墟試環視於崇川當大具於福地王充



之遊市肆得觀千萬卷之儲寶民之創亭宮已闢數十間之廣  
抑且旁聯蘭若而暮磬晨鐘外列蓮池而齋厨香閣獨尚久棲  
真之館今一新經始之規乾為天巽為風巖門庭之位置坎為  
水離為火收湖海之仙方幡幢掩映於煙霞冠佩朝宗於星漢  
刻川一曲依稀舊老風流北上編書遊近留侯奇遇眼前安元  
曾次寬閑不須辨布韞青鞋即此當白雲蓬島七月既望便思  
羽衣入夢之遊十年何時聽取華表歸來之語與輪有日子許  
同聲

東 西 南 北 上 下

雲衢有路鶴搏空放生橋下龜魚樂春意丹霞紫霧中  
橫來一水玉虹霓詩書福澤人寰滿萬古千秋壁與奎  
几案三峯墮玉簪鶴立端門聽曉鑰天開闔闔放朝參  
仙官書下龍旗黑豈教石上花金鏡市有異人人不識  
牛渚何曾風作浪天門無榜挂瓊樓自古青藜光萬丈  
道人心事千間厦黃石仙家伏臘祠龍公民戶春秋社

伏願上梁之後雨暘調順日月光華泰山四維天下安華封三  
祝 聖人壽問治道清靜授軒轅術演老子書作樂土神仙拍  
洪崖肩挹浮丘道機流轉福力宏深

記

昇真觀記

退翁

武夷山閩之鎮也天下第十六名山是曰昇真玄化洞天按舊  
記厥初有神星降曰聖姥母子二人始居此山又有神祇武夷  
君者三代以前越在要服固荒遠難證大極氣化其始也挺生  
一至人以爲一方生民祖形化而後生類益衆則其間有材  
德絕異者衆皆臣服之以長其地故謂之君上古以來如姜桓  
之棄簡狄之契與夫蜀未通之先蚕叢魚鳧杜宇開明載在傳  
記皆其類也又出傳魏王子騫城潼川時有張湛劉景等及胡  
李魚氏四女子凡十二人實受地爲後皆避秦而仙而武夷  
君慢亭之宴亦在嬴政之二二年按閩地至秦始列爲郡時秦威



虎視六合震動英雄志業無所就棲真於道而神其說於爲仙  
意當時亦不但穀城桃源而已至漢武帝列在望秩史稱祀以  
乾魚始築壇壝厥後歷代封表增立祠觀唐天宝三年石刻後  
唐保大二年碑銘具存宋紹聖二年觀錫額冲佑武夷君始有  
封號端平元年十三仙亦列封焉凡祈雨暘則遣使進金龍玉  
簡于洞靡不響是具大者則謂宋三朝聖君賢佐皆神瑞世之  
應名山大川能興雲致雨利濟一方者此理之常而得其氣之  
靈明英粹爲大聖大賢福澤天下者亦間世而有獨其有功生  
人顯著而豐於則未有若武夷者也載在祀典實甚宜冲佑之  
後有觀曰昇真廼管轄游君道淵知觀江君妙靜妙正實始開  
山一日狀觀之始末示予曰洞天在一曲天柱峯絕頂乃十三  
仙遺蹤之地屬歲旱涼天子命公卿走四望則必之焉而洞室  
阻遠壇宇弗修何以虔祀事舊有道人某始立道院余早慕四  
女仙之風願享大姥元君之道屬漢嗣漢二十六代天師教法

盛興遂請改觀額別建大清殿後爲法堂堂上爲樓以居仙像  
殿之東南爲通天臺門無厨祭具費木石瓦竹工役計緡錢  
幾萬有奇經始己巳之夏告成己卯之冬凡觀之事悉請于當  
路有司而後行上以祝天子万壽下以利州縣祈禱允謂仙聖  
之奧區蒼生之福地矣願屬子記其事余以各山巨觀非當世  
名筆誰宜爲輒辭謝未幾游君大江君俱上真而管轄君妙  
潤申命以先志弗得終辭也竊謂玄樸既散大化運行其至精  
至粹至靈至具之无浮於天者爲大清三光凝於地者爲名山  
大洞鐘其靈於人者爲至人高士人之一身與天地相似無極  
大極吾其性一炁五行吾其体而其中一點靈明炯然不昧則  
合性與知齊而謂之心也彼真然空洞感於情役於氣肆欲成  
真與物俱腐者固不足算已而所謂至人高士則氣完理具而  
此心真体妙用與造化者游不爲命世之聖賢以兼善天下則  
必爲遺世之神仙以獨善其身文公稱道武夷力備正享獨神



仙一事不深詆谷神一章久視之要而參同契十三篇立命之  
秘也儒者正誼明道而不知養氣以為之配則亦何所恃而獨  
立不憊也哉孟子開其端而不及竟程子發其用而不敢洩者  
殆有以也余嘗謂偏言然而失其本與專言理而乏其助者皆  
不謂之善善特其内外之分公私之辨不可不致其精尔余聞  
李自老氏其上者清淨無為怡神養真而其次則呼導引亦  
能固其筋骸養其精氣傳寢久而術益工体玄入虛鍊真揚合  
冲氣久之自能離形出神與道合真於是白日飛昇之說此  
亦竟氣升天体魄降地之理特其養之深疑之固故超於冲漠  
者未即散而蛻於塵凡者亦未易朽尔或者附其說則謂血肉  
之軀果能生白日之羽翰而徑青曼之宮闕也以是明是具玄  
化之義其殆庶乎噫人之生也造則為有化則為無無者其真  
有者其妄老氏之見達矣然大化之運循環無窮所謂一點靈  
明炯然不昧者在宇宙間幽則為仙為靈明則為聖君為賢輔

視時屈伸與道消息如蘇氏所謂參天地之化關盈衰之運者  
自灼然不可誣也群仙列聖昭布森列豈無潤下土生人之心  
復出而瑞斯出者乎余言是徵則願誌之名山以俟死者

詩詞

題詞

感興

朱文公

飄飄乎仙侶遺世在人間盜啓玄命秘竊嘗生死關金鼎煉龍  
虎三年養神丹刀圭一入口白日生羽翰我欲往從之脫屣諒  
非難伯恣逆天理偷生詎能安

題黃庭經後

白玉蟾

琴心玉文洞玄玄金血朱錦乃汝傳子能得之可長年黃素纈  
東完且堅積理如髮約兩邊從有赤道如朱絃文居其間走玄  
蟻飛雲相與為終始大道甚夷非力使無為自然有至理誰能  
精專極骨髓掃去俗塵不瑕穢目中有神乃識真白玉為軼  
車輪裏以天上翠織成仙人樓居儼長生鸞鶴翔舞猿猱輕子



能定之慎勿輕室宮之中夜自明上清真人楊與許焚香清齋  
接神女手作此書留下土千年流傳子為主東方蒼龍右白虎  
四神嚴詞駭子悔

讀道書作

默齋

岩居秉貞操所慕在玄虛清夜眠齋宇終身觀道書形忘氣自  
冲性達理不餘於道雖未庶已超名跡拘至樂在襟懷山水非  
所好寄語狂馳子營之竟焉如

戲贈李廉訪參道

盧疏齋

承之肅政玄悟真奎發軔有得輒依韻奉和

吾生天地間形役何時休六鑿不自閑七情牽相仇星歲如驚  
鷗鬢毛忽已秋世路廓悠悠渠能遠行遊谷神所依於死在  
中洲羲和既殞節望舒亦停軻終真實乾德坤靈祕奇謀虛白  
存夜氣接梅鳥得留去來誰與期駕言仍丹丘

和道士陳天隱韻

謝疊山

明知儒道本同流未了因緣不自由紫府寥陽隨念到紅塵辛  
若幾時休精神常与天來往軀殼不知誰滯留宮壤豈無陸脩  
靜知君認得故吾不

豈不逍遙自采真世間何地可容身碧潭秋月元無物麗日祥  
風只愛春天上儘多知己友塵中安得見心人赤虬一躍蓬萊  
近又恐丹丘有宿因

孝道無魔道不成神人得計是無名光風自蒼長潇洒明月何  
曾有死生早悟梅山難養性何如福地別尋盟梅花香裏堪聯  
句莫笑人間石鼎鳴

飛仙吟送張道士

白玉蟾

夜騎玉螭採明月藥毀瑤臺寒徹四十六天不閉門風吹琪  
花散飛雪簫韶鳴外隊仗多八万霓裳歌一闋紫皇宴罷方出  
駕整衣端簡去朝謁火鈴將軍呵一聲左右万真髮青毛髮奏云  
臣是雷霆卿舊因罪去辞金闕紅塵埋身平至耳紫青鉛綠守



苦節飛神登天來止渴見樽有酒覓一吸賜臣一醉放臣歸  
夫人間向人說鳳凰閣下問歸途瓊童玉女即居子天宮長是  
大清虛人間還似此間無搖頭不答徑拂袖白雲眇眇迷清都  
洞中猿鶴更相認白石爛芳青松枯

贈李道士謁仙行

同前

蓬萊空夜月琪樹不冬風霜畦老芝木煙闕多麟龍靈龜不知  
歲孤雲香無踪白鶴忽歸來紫鸞鳴雖誰種播桃核花開崑  
崙峯一見舞胎仙瑤池宴已終手持三尺霜浩氣眇太空坐斷  
華山景杖頭風月濃玉皇知何特錫詔下霄濛玉膏酒洗雲刀  
圭一粒紅贈子謁仙行金鷄呼曉鐘喚起世飛廉羊角舞巽宮  
為君吟夢竟橫飛過海東

示周道士

同前

人行秋色裏詩入尺圖中笑掃白雲頂爰帝第一峰

同前

樓上疎鐘撞月明五雲影裏一聲九天星宿皆朝斗人出曉  
鷄渾未鳴

送蜀李道士

葛長庚

我居瓊海子潼川相望西南路八千乃祖青牛今不返予家白  
鹿尚閉眠雲江莫測真如夢琴劍相逢亦宿緣多少西風黃葉  
恨待須貫酒江邊

留別鐵柱宮葉法師

不嫌來往日詩筒春只無窮我氣東一雨放行三尺水万松回  
納半帆風且將南浦難題句寄在西山絕頂峰柳外酒家花處  
寺併留他日款游從

送講師住崇福宮

元遺山

大方之家幾知津郝君七十老斷輪青文五車家三尺劇談混  
沌今猶神太玄博士為絕倒君言夸矣天公嗔長安冠蓋聲  
雲洛陽車馬爭紅塵怪君掉頭不肯住寂寞來作由東高



維岳古所秩三十六帝有外臣玄都石壇侍殿馭宮殿突兀松  
輪困上界仙人鄧雲山洞天治所名司真蓬萊方丈去不遠明  
星玉女時相親瑤華可摘蘭可紉煙霞永隔塵中人黃鶴一去  
不復返白鷗万里誰能馴爲我殷勤謝鄧君玉華歲晚當平分

題三山天慶觀二首

白玉蟾

白玉蟾

眇眇神霄天玉京何處堯瓊花露泣蕊琪樹風鳴條瑤妃侍雲  
笈羽童舞金翹瞻彼世間人紅塵徒朝朝  
玉皇香案吏金闕禁垣卿宝炉烹日月鉄尺鞭雷霆曉煉西山  
雲夜煎北斗星城南告樹精吾家在瑤京

游簡寂觀

前人

手把武夷竹江山滿吾目落花称意紅芳草無心緑雙澗宿翠  
瓊群山斷蒼玉青林隱成帷碧澗深如屋煙鎖花間接兩鷺品  
下鹿藥必埋白雲兩井浸枯木虎岫聳錦屏龍湫噴銀粟音人  
陸脩靜於此曾卜築飢則餌嫩松寒則披老樹董叢同種道淵

明共採藥當年李阿彌飛神到天竺舊有煉藥臺荆棘蔽幽谷  
舊有朝元石露瀉龍飛瀑  
宮先生留宝躡鉄板時敲茶銅鍾曉喫粥冠褐藹銷<sub>く</sub>車馬來  
僕二巨壑有魚飛寒池足鴨天高星斗寒更深鬼神哭到此  
風骨清直欲騎黃鶴

題光孝觀

前人

偶然騎鶴去游仙來訪泉山古洞天一劍當空又飛去碧潭驚  
起老龍眠

東山道院

煙月蒼涼野色寒松相疑露夜將闌人家曠絕無雞犬一鶴飛  
來點翠山

宗陽福臨洞

揭來尋仙居一撫遺跡羊化石自馴龍飛洞猶是岡万玉  
虹頭角復無一枝藤有山友勸我何歎息煮茗松栢陰清風動



虛壁

華陽

吳遜齋

澄空紺碧鎖煙霞千古華陽處士家  
明月蒲山黃葉路春風幾樹碧桃花  
石若盤上長生者丹鼎爐中九轉砂  
聞道年來足官府仙凡底處是生涯

書茅元符觀壁

前人

百年性命黃金印萬里風埃碧玉驄  
爭似深山更深處白雲堆裏聽風松

疑碧洞

前人

蓬萊山下洞中有蔚然天翠洞半空  
兩蒼搖半壑煙月高玄鶴舞雲靜  
老龍眠好避人間出世從師欲學仙

重游白石洞

白玉蟾

昔年曾上白石峰曉汲丹井寒芙蓉  
壇前星斗光爛二凌空坐可摩飛鴻  
刘郎重到玄都觀東風不改桃花紅  
誰向陰崖結虛

室石鯨飲潤木龍温疏泉壘發天  
闕野蔓叢篁自蒙密忽然飛雨來  
半空不知林外猶殘日引身東望  
滄海田谷神洞口雲綿綿琅玕珊  
瑚遠莫致且鉏蕪蔽烹春鮮此中  
佳趣不可傳我欲矯首問計然吳  
越興亡迹如掃山色依依青未了  
何年金鼎出空山雞犬餘丹能去  
老短衣射虎自有人共著青鞋拾  
瑶草

題東嶽道觀

唐旂

我儂上界之文章謫向人間醉夢鄉  
父想山翁青粃飯又携雲母紫霞  
觴竹邊行過鶴魂醒菊畔吟來詩骨  
香王佩朝真誰引頰紫薇園內紫  
薇郎

後鶴亭

白玉蟾

白雲無消息黃鶴香不歸華表風  
露冷臨臯星斗稀不念桑田變但  
向瑤臺飛盞亦歸來乎翩然點翠  
微

栖霞亭

前人

冷煙纏山腰暗水列石骨欲風松  
先鳴未雨苔已滑洞前多甜



花洞裏多紫霞高人得所棲日永蒸胡麻

希夷堂

前人

道人久矣泯耳目蕭然自如脫羈束朝從扶桑日頭起暮趁崑  
崑崙脚伏青牛過關今幾年此道分明在目前昨夜瑤琴三疊  
後一堂風冷月娟娟

定齋

前人

水澄秋月現雲散春山出鏡內影去來杯中形出沒釋氏惠之  
源儒者誠之骨忘軀見天機灰心契造物落花間啼鳥流水噪  
幽石不如窻間雲不如屋角月此意誰能論知音更何說俏如  
寒岩煙字似陰崖雪棲身要山林悔迹老岩穴吾當叫張葛起  
來共散髮

夜宿太清悟真宮

前人

朱樓玉殿貼晴空前後千歲壽之萬峯蝶帶秋花黃淡佇猿啼曉  
樹翠真濛新崖煙重苔粘露重暮雲與樹起風醉倚玉欄望明

月嗟嗟身出等萍蓬

仙居樓

前人

萬籟沉沉清夜闌樓前獨自倚欄干金鷄叫罷松風動二十六  
宮秋月寒

張道士鹿堂

前人

清夢繞羅浮羽衣延我游新茶尋雀舌酒烹黃鴨頭春鶴飲菜  
院夜猿啼石樓丹爐猶暖在聊為稚川留

道清

清夜辭十首

前人

霜清兮露冷暮天碧兮微雲飛北風兮吹我衣梅花下明月來  
幾時

月明兮星稀煙漠漠兮風悲空階兮竹影悄無人兮螢飛  
微雲兮淡月萬籟靜兮猿啼梅花兮無言夜氣清兮露淒淒  
風起兮雲下池塘水兮井水寒望清都兮鶴未還明月兮空山  
清風兮絳闕五雲深兮真真樓高兮珠宮寒漠漠兮無聲



張黃方橘綠湛湛露方夜月寒幽人方夜坐顧影方自憐  
南山方北隴相對方望程寔青松方白石暮煙方猿哀  
餐松方飲水望絳闕方思歸白雲方黃鶴胡不方何時  
憑虛方御氣乘風方駕浮朝罷方歸來天邊方月一鈎  
百年方一炊黍夢幻方一浮漚言不知方此身騎鯨方醉遊

贈道士阮太虛何存齋

謝疊山

六道四生苦何人煩惱官人自做官道人自修道相逢不下  
馬各自尋蓬島前生非親契今生如何好本來無因緣安得有  
果報來非人捉來到是天送到我若不呈醜道教一齊倒春風  
縛不住秋月蝕愈皎莫登時肯問談天恨欠早對面不相識開  
口便激惱譬如弄雜劇徒取旁人笑道我是風顛知我已明了  
莫愁我飢渴天厨食自飽真宰善解家不敢與人道

窓間戲題

前又

雲在青山自往還鶴穿空入正青天雲來鶴去不相識兩個無

心莫結緣

絕粒偶書一首

前又

丹府金童善王家有神聽命靜無譁從今何必餐松柏但吸日  
精吞月華  
龜啣甘露爭先到鳳吸醴泉隨後來投在大清仙酒甕道人日  
飲兩三盃

又

蓬萊真夫婦無心相戲謔一歲養一兒个个解騎鶴

山齋夜坐

白玉蟾

嗅花香入鼻掬水月浮身夜靜焚香坐空山一箇人驚夢後三  
咽窺帷月一痕無人空大吠依棹掩柴門

天窓

屋頭除却數條椽政好臨風對月眠行客只從門外過豈知屋  
裏有青天



奏章歸

玉殿朝回夜已深三千世界靜沉沉  
微微花雨粘琪樹浩浩天風動宝林  
煙鎖崑崙山頂上月明  
凌竭海中心步虛聲斷一回首十一樓臺河處尋

步虛詞

遺山

閨苑仙人白錦袍海山宮闕醉蟠桃  
三更月底鶯聲急萬里峯頭鶴背高

題呂仙翁祠堂 西三月


文卿

壁斷何人舊字爐寒隔歲殘香洞天人去海茫茫  
玩世仙翁已往西日長安道遠春風趙匡臺荒行人誰不悟黃梁依舊紅塵陌上

事文類聚翰墨金書卷之十

癸集







癸集五